



Onder die Trust sal 'n groot fonds opgebou word waaruit daar van tyd tot tyd 'n toekenning, wat as die Hendrik Verwoerd-Toekenning bekend sal staan, aan die een of ander verdienstelike persoon gemaak sal word. Die Raad van Kuratore sal hierdie bekroning aan enige persoon kan verleen - uit watter taalgroep hy of sy ook al is - wat werk van werklik buitengewone waarde en van ware nasionale betekenis verrig het. Die bekroning sal ook op die hoogste vlak plaasvind: dit sal waarskynlik deur die President van die Republiek waargeneem word, en wel by 'n besondere geleentheid wat spesiaal daarvoor gereël sal word.

Die Kuratore meen stellig dat langs hierdie weg 'n eg Suid-Afrikaanse bekroning geskep sal word, <sup>iets</sup> waaraan daar vandag 'n dringende behoefte bestaan. Ons is arm aan hoogstaande kultuurbesittinge van hierdie aard. Afrikaanssprekendes en Engelsprekendes in Suid-Afrika het nie bekroninge van hierdie aard en hierdie gehalte nie, en ons ~~ontbeert~~ <sup>maak</sup> dus die be-sieling en voedende krag wat daarvan uitgaan, <sup>ontlees</sup>

Dit is in die besef hiervan dat die Federasie van Afrikaanse Kultuurvereniginge hom verbind het om op aktiewe wyse met die insameling van fondse vir die Hendrik Verwoerd-Trust behulpsaam te wees. Die F.A.K. het reeds 'n bedrag van twee duisend rand bygedra, en hy sal hom verder op groot skaal dwarsdeur die land vir die insameling beywer.

Ons reken op geesdriftige en ruime steun van almal wat Suid-Afrika liefhet. Want dit gaan nie hier om Afrikaanssprekende of Engelsprekende nie, maar dit gaan <sup>hier</sup> om die waardige bekroning van enigeen wat hom waarlik vir onbaatsugtige diens <sup>aan</sup> Suid-Afrika en sy mense afgesloof het. Dit gaan ook nie hier om die verering of beloning van persone nie; dit gaan hier om die erkenning en bekroning van die arbeid van manne en vroue wat hulle eie persoon vergeet het maar Suid-Afrika en sy blywende belange op volgehoue, self-opoffende wyse gedien het.

Die lyding wat ons Eerste Minister moes deurmaak, het tot aansporing van hierdie stappe gedien. Kom laat ons mekaar help om 'n groot sukses van hierdie ~~stappe~~<sup>plan</sup> te maak. Dan sal ons nie net vreugde in ons werk vind nie, maar dan sal ons ook - net soos hulle wat bekroon sal word - 'n dankbare diens aan Suid-Afrika lewer.

\*\*\*\*\*